

An·ching Jringjrotna Tarisoahama?

(Do we prepare for Eternity?) – Rev.P.M.Sangma, Pastor Nogorpara Baptist Church.

“Maina chinga u·ia chingni ia a·gilsakni tambu nok be·gipuode, Isolni rika, jakchi dakgija, jringjrotna dong·gipa salgio chingni nok gnang” (2 Kor.5:1).

Aganchengani:

Mande ia a·gilsako dong·kamjawa indiba jringjrotna Isolni daksamsoani gnang. Mande a·gilsako dikdiksasan dong·aigen indiba Isol an·tang baksa jringjrot dong·kamna Gitel Jisu Kristoo daksamsoaha. An·ching Jringjrotna Tarisoahama?

1. Mandeni Janggi Dikdiksasanan:

Billygraham changsao agana, ‘**Live each day as if it’s your last. It may be**’ – Salantion ian bon·kamani sal ine janggi tang·bo, “Maina na·simang dikdiksana nike gimagipa guuri” (Jakob 4:14). Ong·enggipa obostao darangba ia aiao inmangipa sabisini gimin indake ong·gen ine chanchisojachim. Chinani obostao America aro Europeni manderang chingonaba ia sabisi sokbae hajalni hajal manderang bikan sianggen ine chanchisojaha. Indiba tarakbegipa balminduri gita ia sabisi a·gilsak gimikonan sokangaha. Paul iano maina nok ine jakkalgija ‘a·gilsakni tambu’ ine mandeni janggina kattako jakkalha? Tambuko dikdiksa dong·na mamangsan jakkala aro baditaba salni gisepon tambuko jittruae jakkala aro tambu nok gitade mangrakgipa ong·ja balwanaba ua kikna man·aia. Apsan daken mandeni janggiba ong·aia.

Mandeni sigimin bimang adimuan pilangaigen, “Na·a adimu aro na·a adimuan pilgen” (Aba.3:19). A·gilsakni mingsinggipa manderang sawa ia a·gilsako dongkamna bilko man·a? darangba ia a·gilsako dongkamna man·ja.

2. Isol Somoiko Pilaknan Don·aha (Aganprakgipa 3):

“Ua darangkon karitango nitoe dakaha; aro uamangni ka·tongo dongani salkoba donaha” (Agan.3:11). Saoba agangenma angnade Isol salko komie on·a, ong·ja ripengrang pilaknan somoiko tik daken don·aha. Isolni don·gimin salko darang dakgiminrangba komiatna aro batatna man·jawa, maina Isol tik dake don·aha (God fixed the date). **“Ua jringjrotna kingking uarangkoba mangrakataha; Ua niamko dakaha, jeko pilakan badeangjawa”** (Git.148:6).

• Mandeni ming-3 dakgualani:

- 1.An·ching Isolni skaniko am·chengja
 - Da·al ba Knal ...songjinmaona Re·anggen
 - Badinggen
 - Man·dapgen????? So and So.... (Jk.4:13)
 - An·ching Gitelni namnikode inede Plan ka·ja (Jk.4:15)

2. Mande an·tangni Dikdiksa A·gilsako ong·aniko guala.

- Mandeni Janggi mai? ...dikdiksana nike gimagipa guuri (Jk.4:14).
- Luk 12:16-20-Goka mandeni chanchisoaniko nika.
- Mandeni gisik re·anitangko chanchisoa, Indiba Jihova uni jakurangko re·ata (Toe Skiani 16:9).

3. Minggipin An·chingni gualaniara

- An·ching Namako dakna u·ie uko dakja, aro uan pap ong·a (Jk.4:17)

3. Isolni Jringjrotna Daksoani:

“...Isolni rika, jakchi dakgija, jringjrotna donggipa, salgio chingni nok gnang” (2 Kor.5:1). Paul iano maina jakchi dakgija ine mandeni janggini gimin aganaha ian angnade namen aiao inmanani ong·a. Mandeni been bimangko Tambu gita aro Janggiko jakchi dakgijagipa nok ine toaha. **“Salgisakni**

be·enrang gnang, aro a·gilsakni be·enrang gnang, indiba salgisaknirangni rasong dingtang, aro a·gilsaknirangnin dingtang ong·a” (1 Kor.15:40).

Mandeni be·en adimuaniiko ra·aha, (body was taken out of earth ‘creation’) chongmotan dakgiminonikosa ra·aha. “**Na·a a·a piljaskal...maina unoniko nangko ra·aha na·a adimu aro na·a adimuun pilgen**” (Aba.3:19). Indiba Janggi jakchi dakgipa ong·ja uan Isol an·tangonisa ong·a, “**Aro Jihova Isol a·ani adimuko mande dakaha aro ua baljanggiko uni gingkolo spoataha; unon ua mande janggi gnanggipa ong·aha**” (Aba.2:7).

Ia Isolni on·gimin Janggiko mande papchi gimaataha, indiba Gitel Jisu Kristoo ua janggiko Isol mandena on·taiaha, “**Isol an·chingna jringjrotni janggiko on·aha, aro ua janggi uni Depanteo gnang. Depanteko man·gipa janggiko man·aha, aro Isolni Depanteko man·gijagipa janggikon man·jaha**” (1 John 5:11-12).

Salgisakni be·en dakgiminoniko ra·gipa ong·ja “**Indiba Kristo jakchi dakgija chongmotan ia dakanirangoni ong·gija, dalbata aro chu·sokbata torom tambuchi ong·gni namarangni kamal dal·gipa re·baenba**” (Ibri.9:11). But when Christ appeared as a high priest of the good things that have come, then through the greater and more perfect tent (not made with hands, that is, not of this creation).

“Skanggipa mande a·aonin, a·ako daka ong·a; gnigipa mande salgionin ong·a” (1 Kor.15:47). Skanggipa be·en Adamonin chongmotan adimuoni, gnigipa be·en Kristooni “gisiknin be·en” (1 Kor.15:44). Jisu agana, “**Be·enoni atchigipa beenan, aro Gisikoni atchigipa gisikan**” (John 3:6). Isol Kristo Jisuo jringjrotna daksamsoaniko dakaha aro ua bebera·gipa sakanti “jringjrotnaba sijawa” (John 11:26), ian adimuni beenko aganjaenga indiba gisikni beenko aganenga.

Dingtang dakgnigipa salgini bimangko siani joljol indiba Kristo Jisuni rasong chabee salgioni re·bapilahaosa salgini beenko Jisuo bebera·gipa sakanti gangen. “**chon·kamni singga sikao an·ching pilakan dingtang dakako man·gen; maina singga sikgen, aro sigiminrang gimagijani ong·e chakatatako man·gen; aro an·ching dingtang dakako man·gen. Maina ia gimagijnipa gimagijaniko ganna, aro ia signi sigijaniko ganna nanggen**” (1 Kor.15:52-53). Maina, “Jongadarang, be·en aro an·chi Isolni songnokko man·rikna amja; aro gimagi gimagijaniko man·rikja” (1 Kor.15:50).

Isol Kristo Jisuo bebera·e jokatako man·gimin janggirangna ua salgini be·enrangko ganatgen aro uamangna aiao inmanpilgipa songnokko jringjrotna daksamsoaha, “Jerangko mikron nikjaha, aro nachikol knajaha, Aro mandeni ka·tongo napjaha, Je jeko Isol an·tangna ka·sagiparangna daksoaha” (1 Kor.2:9). Ia salgini be·enrangna Isol baksa jringjrotna dong·chakaniko Isol dakaha. “**Nibo manderang baska Isolni dong·chakani aro ua uamang baska donggen, aro uamang uni manderang ong·gen aro Isol an·tangn uamang baska ong·gen, aro uamangni Isol ong·gen. Aro ua uamangni mikrononi pilak mikchiko u·sitgen; aro sian ong·jawaha aro kalimani, aro chrikani, aro saknaani ong·jawaha. Skango ong·giparang re·angaha**” (Para.21:3-4).

- manderang baska Isolni dong·chakani
- sian ong·jawaha aro kalimani, aro chrikani, aro saknaani ong·jawaha
- Skango ong·giparang re·angaha – Adimuoniko dakgipa been.

Ua songnok jringjrotni jringjrotna bon·jawaha (forever and ever). Ua salna Gitel Jisuona katnapna Isol cholko daaloba on·engkua, ua somoiko gamchatnikna.

Billygraham agana, “The greatest waste in all of our earth, which cannot be recycled is our waste of the time that God has given us each day”.

- Story of President John Quincy Adams
- Story of Rev.R.W.Porteous of china – “Face to face with Christ, my Savior”